

docriver 文川网
古籍书城
入驻商家
在文川网搜索古籍书籍 获取更多电子书

中國方志叢書·華中地方·第三三三號

據清同治四年刊本
清同治四年刊本
影印

湖北省

竹山縣志

(一)

434/01

成文出版社有限公司印行



中國方志叢書·華中地方·第三二二號

據

清同治四年
周士楨纂修
刊本

影印

湖北省

竹山縣志

(二)

5234/01

成文出版社有限公司印行



10098317

中國方志叢書·華中地方·第三二三號

據

清同治四年刊本
清周士楨纂修

影印

湖北省

竹山縣志

(三)

10/7275

成文出版社有限公司印行



10098318

docsriver 文川网
入驻商家 古籍书城

在文川网搜索古籍书城 获取更多电子书

中華民國六十四年 月臺一版

竹山縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

同治四年仲冬月

竹山縣志

廉臣周士禎脩纂

重修竹山縣志序

邑之有志猶國之有史史者懲惡而勸善志則寓懲惡於勸善之中與史相表裏者也故萃邑志而成府志省志又萃天下之志而成一代之史其有詳畧不同者史畧而志詳又省志府志宜畧而縣志宜詳體制然也竹山在周爲古庸國秦漢爲上庸梁爲新豐北周爲孔陽接壤秦蜀爲全楚藩籬其志乘之作創於史氏皆承平之世和親康樂之書也自嘉慶至咸豐間前後六十年再罹兵燹故范志脩於嘉慶乙丑陳志脩於咸豐己未

其間烈士捐軀貞媛殉節與夫膠庠之後彥下里之編氓皆切同仇之志効力於鋒鏑之場前志分類表揚著之簡策以是見

聖澤旁敷肌淪髓浹雖山陬僻壤節義之風猶競焉今又歷數年時事遷異所以固邊陲靖奸宄撫瘡痍廣教化興利而革弊舍志將何所依竹志書有存而板已燬賢友尹重爲脩輯前晚稿並前陳令舊志賚呈徵序於余閱舊志列爲二十九卷各立小序綱舉目張誠爲善本茲志稿目錄仍舊於前志已載者脩飾而潤色之其續脩

者亦復旁搜遠紹各以類附考核欲其詳明文辭歸於古樸正如昌黎所云紀事者必提其要纂言者必鉤其元以是付梓他日脩府志省志至於國史皆得博觀而約取之亦登高行遠之一助矣抑余尤有厚望者治邑之道資於邑乘非知之艱行之維艱當此流離之後民生何以遂民力何以強民心何以固合人情而宜士俗則在賢令尹強恕而力行之庶斯志之脩不徒爲記載之文而考績可於此徵其實也是爲序

同治四年歲次乙丑仲冬月安襄鄖荆兵備道崔蘭馨

撰

日集

卷一

續修竹山縣志序

友志者識也表彰德績即以垂示後來凡憲
章之守禮教之行時地之所宜吏治之可紀胥於
是乎徵之故所係為至重况軍興以來替此履
荼毒最甚一時之矢忠貞完節義者不可
勝數也 上憲隨時請

施請

邱惟恐弗周而猶欲載之簡編俾之久遠檄飭
各府州縣趕緊設局纂修以資表揚其盛
典也攷竹山志自范沂谷重修之後更歷五
十餘載記述無闕至咸豐九年邑宰陳
君仲衡以舊志不足備稽且日擊乎時之
患臣義士烈婦貞媛慮其日久湮沒無以
為據或勸率同官紳各志綴以新編


即於是年刊而心則九年以後之事皆志
未及也今宰是邑者為廉且周君遵

上憲札飭於此數年宜增入志者協同兩邑
及邑紳等採集而編次之請序於予予
此志有前書在續之非難然勿以為易而
忽之也計數年以來經送匪迭擾傷兵
者屢矣雖山川猶是土地猶是而邑里

凋殘物力不無耗竭士習民風或不免凋
而就簡長民者倖等廣隱心審所先尤當
思忠義節烈為天理所不容缺世道所賴
立予茲再權郡篆知其尤難治之邑而
舉又司為親感之資願予更有進者
潛德闡幽光 宣令也 嘉宅里 樹風聲
吏治也 且夫上知獎勸則政教益修
下知懲

方則風俗益厚茲斯土者不以爲紀載
久而以爲治理之要術則又予之序也
呈爲序
同治五年歲次丙寅仲秋

欽加鹽運使銜署湖北鄭陽府知府山左艾浚美撰



重修竹山縣志序

竹山舊志不可考向所存者僅史華陽
稿本規模龐創缺畧弗全前邑令嘗修
之均未有成書乾隆乙巳後一修於常
梅村再修於范汧谷越五十餘年陳君
仲衡來蒞斯土以舊志不足備稽考而
縣治復遭襄匪之變勢不能不重加修

docsriver 文川网
入驻商家 古籍书城

在文川网搜索古籍书城 获取更多电子书

訂余於癸亥夏承乏於茲問及縣志僉
曰同治元年川匪陷城髮逆竄境板已
蕩然無存矣舊籍尚可搜求余聞而嘆
息者久之即慨然以重修自任因下車
伊始政有急於斯者未暇也越乙丑民
困漸蘇民力漸舒甫議及修志事適
憲徵志之檄數至乃延邑紳別駕黃君

吉田為纂修請同官學博高華三為
修邀縣佐范陶菴沈幼舫為勸辦局
復舉城鄉紳耆數十輩分任採訪互相
校訂同治以前仍依舊志間有遺漏一
經搜求確實必為補入并其訛者悉更
正之同治以後閱時未久聞見易周氏
增入新志皆取於學士之贈言國人之

公論必覈其始終當否而後正再閱寒
暑量輯成編特叙其緣起如此噫余因
之有感矣竹山名宦代不乏人而崇祀
者遠則景征謝公近則沂谷范公上下
一百數十年食報僅此二公其餘賢令
寂寂無聞豈紀事者之失傳耶抑循良
之難得耶官斯士者當惕然於政教之

不可苟後之人將指其名而褒貶之矣
選舉為人材所自出竹邑山清水秀宜
其人文蔚起乃自

國朝以來登科名者竟屬寥寥得毋長民
者培養之有未至耶即余亦當自愧矣

然困極而言關乎天運鬱久必發本於
人情果品學之兼優自功名之立致昔

昌黎先生云業患不能精無患有司之
不明行患不能成無患有司之不公
諸生共勉之至若忠孝節義尤世道
以扶人心賴以正觀舊志藝文所載
烈如黃守戎節烈如徐小女徐戴氏
足振頑而立懦迄今讀其傳誦其碑
令人忠義之心勃然而生彼豪傑自命

不聞風興起者哉孟心田一時名將千
古忠臣異日錄其事蹟附於史館當必
大書特書以昭一時武功之盛邑志獨
不為立傳可乎據其實而表彰之非特
為邑乘光亦可為後人勸夫邑有其人
而旌勸之官師之責也邑無其人而訓
迪之尤官師之責也官師有責否而人

材之消長因之人材有消長而風俗之
盛衰隨之關係豈淺鮮哉顧余更有
者天下之患莫大於有佳子弟而
教即欲教焉而苦於無資且無其地此
聰明俊秀之姿往往以不材終老殊可
惜也竹邑雖小有書院以育成人有
學以訓童蒙有興賢館以助鄉會

弁復有社學數處分設四鄉脩脯膏火
皆取給於田租其造就人材不為不至
所慮者建立之初人心踴躍日久條規
漸壞弊端滋起而假公濟私者又從而
剝削之卒至田租出入如為他人置恒
業士子弁無從沾潤文風之不振非由
於此哉惟望後之君子無侵蝕無捏報

原序

志乘原本舊章抑又旁蒐眾說裁爲一代之書而竹獨無之
蓋緣遞罹兵火僅附乘於郡亦皆篇章殘缺率多簡畧茲當
聖明在御文教覃敷使介在一區而其地之城郭疆域山川陂池
土田戶口物產貢賦與忠孝節烈之實蹟藝文學校之表章
古聖先賢之遺蹟漫然無所記載一旦輶軒至止問形勝不
知問風俗不知問人物不知其何以考治績而著循良耶余
寄居斯土亦既有年每一念及代爲心慙於是遠徵文獻近
詢故舊復出入於經史百家博稽而約取之以錯綜其旨而

成一書上矚自日月星辰之遠下徼及蟲魚卉木之微悉
漫而無統也其爲綱也有三爲目也二十有八從本以該
因源以會流所謂大綱則天道地道人道盡之先之以
圖考者是從地以承天而統人也天道者何郡邑分合靡
歲運故首志建置沿革觀變志物躔次入度故更志象緯
布圓圖循時窺測圖考附之吉一吝三機萌先見祥異附之
茫角動搖王相休廢占候又附之而天道備矣地道者何
陵下隰流峙境中志之以形勢焉作城伊瀆都鄙有章志之
以城池焉草天木喬屑瑣必錄志之以物產焉則壤成賦實

以差徭志之以賦役焉候館戒嚴郵筒勞憊志之以舖舍焉
盤鬱萬山以界封域志之以關堡焉深溝邃澗咸設利濟志
之以津梁焉滄桑志慨陵谷興思志之以古蹟焉而地道畢
矣人道者何設官分職以理兆民故首志秩官也發號施令
君子攸躋志公署也養育人才黼黻昇平志學校也祀事孔
肅厥有司存志祀典也生齒日繁習尚各殊志風俗也捍外
衛內爲邑干城志兵政也循吏在傳輿誦在人志宦蹟也與
我共理惟爾賢才志選舉也發揮聖道至德可師政事優如
名業不朽文學炳蔚仍葆已光志人物也若致身事主大節

docsriver 文川网
入驻商家 古籍书城

在文川网搜索古籍书城 获取更多电子书

不奪。承顏用扶人紀忠義與孝行可並志也舍生取義
誓死靡他巾幗鬚眉柔而能剛節婦與烈女可並志也遊方
以外各誼高深仙釋可並志也來自遠方鏗錫同調流風
獨志也三才統貫揚扃其華專志藝文以要終也如是而入
道脩矣夫探索必鉤其精微著述先敦夫體會如繁星之佈
斗極也如地象之首崇嶽瀆也又若人羣之專推德行也天
道地道人道之中抑各有所謂大綱焉但百餘年未有之書
余不揣固陋而草創之惟望世之君子正訛指謬以要其成
余所願從事而就正者也華陽史求忠譏

願序

昔蕭鄴侯人關獨收圖籍議者謂其不求先王遺書而急急於此終是刀筆吏所爲然漢初所以能知天下阨塞戶口之數而施其教令者端由於此自是厥後版圖日闢而代有闕草人物益繁而事多更易故地理志實爲史成之要我

朝

聖

聖相承恩敷九有蕃滋富庶盛於昔來若非地各有志後將何徵
竹山古上庸郡接壤秦蜀爲全楚藩離地至重也余於乙丑